

11 hann telst þeim ekki tilfinnanlegur, miðað við efnahag þeirra og ástæður. Að öðru 15. febr. jöfnu gangi þeir fyrir um styrki, sem lengst og erfiðast eiga til læknis að sækja.

7. gr.

Fé sjóðsins skal ávaxta eftir því, sem við verður komið án þess að stofna því í hættu og þannig, að sá hluti þess, er verja ber til læknisvitjanastyrkja, sé jafnan handbær, er til þess þarf að taka.

Reikningsár sjóðsins er almanaksárið. Reikning fyrir hvert liðið ár skal senda landlækni, áður en tillag ríkissjóðs til sjóðsins verður greitt fyrir næsta ár.

8. gr.

Ef sjúkrasamlag verður stofnað í hreppnum, semur sjúkrasamlagsstjórnin við sjóðstjórnina um að sjóðurinn hagi þannig starfsemi sinni, að samlagsmenn verði að öðru jöfnu eigi miður settir að því, er tekur til aðstoðar sjóðsins, en aðrir hrepps-
búar.

Reglugerð þessi, sem sett er samkvæmt heimild í lögum nr. 59 4. júlí 1942, staðfestist hér með til þess að öðlast gildi þegar í stað.

Í heilbrigðismálaráðuneytinu, 15. febrúar 1944.

Björn Þórðarson.

Gústav A. Jónasson.

12

REGLUR

16. febr.

um innheimtu útsvara í Ísafjarðarkaupstað á tímabilinu 1. marz til 1. maí 1944.

1. gr.

Sérhver útsvarsgreiðandi í Ísafjarðarkaupstað, sem gjaldskyldur er við aðal-
niðurjöfnun útsvara árið 1944, skal greiða upp í útsvar þessa árs 40% af útsvars-
upphæð þeirri, er honum bar að greiða árið 1943, með gjalddögum 1. marz, 1. apríl
og 1. maí 1944, að einum þriðja á hverjum gjalddaga.

2. gr.

Nú eru hreinar tekjur gjaldanda lægri árið 1943, samkvæmt skattaframtali, en
þær voru árið 1942, og getur hann þá krafizt hlutfallslegrar lækkunar á útsvars-
greiðslunni samkvæmt reglum þessum. Þetta gildir þó aðeins, ef tekjurýrnunin hefur
numið 30% eða þar yfir.

3. gr.

Nú eru greiðslur samkvæmt reglum þessum ekki inntar af höndum áður en 15
dagar eru liðnir frá hinum ákveðnu gjalddögum, og skal gjaldandi þá greiða dráttar-
vexti af því sem ógreitt er, 1% á mánuði eða hluta úr mánuði, sem liðinn er frá gjald-
daga, unz greitt er.

Þó verður sá gjaldandi ekki krafinn um dráttarvexti, sem greiðir að fullu 40%
af útsvarsupphæð sinni 1943 fyrir 20. apríl 1944.

4. gr.

Kaupgreiðendum ber skylda til að halda eftir af kaupi starfsmanna til útsvars-
greiðslu samkvæmt þessum reglum, á sama hátt og með sömu viðurlögum og gilda
um almenna útsvarsinnheimtu.

5. gr.

Nú kemur í ljós, er álagningu útsvara 1944 er lokið, að gjaldþegn hefur þegar greitt meira en álagt útsvar, og skal þá endurgreiða það, sem ofgreitt var, ásamt $\frac{1}{2}\%$ vöxtum fyrir hvern mánuð eða hluta úr mánuði, sem upphæðin hefur verið í vörzlu bæjarsjóðs.

Reglur þessar, sem settar eru af bæjarstjórn Ísafjarðarkaupstaðar samkvæmt lögum nr. 100 30. desember 1943, um heimild fyrir bæjar- og sveitarstjórnir til útsvarsinnheimtu árið 1944, staðfestast hér með til að öðlast þegar gildi og birtast til eftirbreytni öllum þeim, sem hlut eiga að máli.

Félagsmálaráðuneytið, 16. febrúar 1944.

Björn Þórðarson.

Páll Pálmason.

REGLUR

um innheimtu útsvara í Hafnarfirði árið 1944.

1. gr.

Sérhver útsvarsgjaldandi í Hafnarfirði, sem gjaldskyldur er við aðalniðurlögreglu árið 1944, skal greiða upp í útsvar þessa árs 40% af útsvarsupphæð þeirri, er honum bar að greiða 1943, með gjalddögum 1. marz, 1. apríl og 1. maí 1944, þannig að 1. marz greiðast 10%, 1. apríl 15% og 1. maí 15%.

2. gr.

Allar greiðslur samkvæmt þessum reglum skulu standa á hálfum eða heilum tug króna og þannig jafnað á gjalddagana, að greiðslurnar þrjár verði sem næst 40% af útsvarinu 1943.

3. gr.

Nú eru greiðslur samkvæmt reglum þessum ekki inntar af höndum 15 dögum eftir gjalddaga og skal gjaldþegn þá greiða dráttarvexti af því, sem ógreitt er, 1% á mánuði eða hluta úr mánuði, er líður frá gjalddaga, unz greitt er.

Þó verður sá gjaldþegn ekki krafinn um dráttarvexti, sem greiðir að fullu 40% fyrir 20. apríl 1944.

4. gr.

Nú er sýnt að tekjur gjaldanda árið 1943, samkvæmt skattframtali, hafi verið minni en árið 1942, svo að muni 30% eða meira, og skal þá lækka greiðslur hans samkvæmt reglum þessum hlutfallslega ef hann krefst þess.

5. gr.

Kaupgreiðanda ber skylda til að halda eftir af kaupi starfsmanna til útsvarsgreiðslu samkvæmt þessum reglum, á sama hátt og með sömu viðurlögum og gilda um almenna útsvarsinnheimtu, með þeim breytingum sem leiðir af ákvæðum 2. gr.

Kaupgreiðendum er skylt að halda eftir útsvarsgreiðslum greiðsluskyldra starfsmanna, sem þeir hafa greitt fyrir útsvör ársins 1943, án þess að tilkynna þurfi þeim sérstaklega, á annan hátt en með birtingu þessara reglna.

6. gr.

Nú verður ljóst, eftir aðalniðurlögreglu 1944, að greiðslur gjaldþegns á 40% af útsvari 1943 samkvæmt reglum þessum, nema hærri fjárhæð en álagt útsvar 1944,